

ՔԱՂԱՔԱԿԱՆ ՏԵՍՈՒԹԻՒՆ

ՆԻՐՈՊԱԿԱՆ ՊԵՏՈՒԹԻՒՆՆԵՐԻ ՀԱՄԱԽՄԵՐՈՒՄՆԵՐԸ,

Քաղաքական աշխարհը այս րոպէին, սկսած երկու ամից ի վեր, այսպէս է բաժանւած՝ մի կողմից Գերմանիայի, Աւստրո-Ունգարիայի դաշնակցութիւնն է, որի մէջ է նաեւ Խաւրիան, երկրորդ կողմից, սկսած Կրօնշտատի նաւային ցոյցերից՝ Ֆրանսիան է Ռուսիայի հետ, իբր հակակշիռ ոյժ եռապետեան դաշնակցութեան. երրորդ կողմից Անգլիան է, որը մի առանձին դիրք է բռնում, մի ձեռքով միացած Խաւրիայի հետ, ընդդէմ Ֆրանսիայի, միւս ձեռքով եւապետեան դաշնակցութեան հետ, ընդդէմ Ռուսաստանի, բայց և այնպէս պահպանելով իւր ազատութիւնը, որպէս մի տէրութիւն, որը շահեր ունի երկրազնդիս բոլոր կէտերում թէ ցամաքների և թէ ծովերի վերայ: Ֆրանսիայի և Ռուսաստանի բարեկամութեան պաշտօնական հաստատումը երկու ամից ի վեր՝ ահա՛ ամենագլխաւոր իրողութիւնը, որ կատարւել է քաղաքական աշխարհում: Մեր ընթերցողների համար մի նորութիւն է՝ որ այդ բարեկամութիւնը արդէն տարիներով նախապատրաստուում էր վերջին տարիներս ամեն կերպ՝ թէ մամուլի մէջ, թէ ընկերական յարաբերութիւնների մէջ, թէ քաղաքական յարաբերութիւնների մէջ: Բայց այդ բոլորը իւր վերջնական սրբազործումը ընդունեց միայն Կրօնշտատում: Ֆրանսիական նաւային էսկադրի ընդունելութեան ժամանակ Ռուսաստանի կողմից: Երբ Ֆրանսիական ազգային „Marseillaise“ հիմնը նւագելիս՝ ռուսաց թագաւոր կայսրը ոտի կանգնեց՝ դորանով պաշտօնապէս վերացաւ այն խռնողութիւնը, որը ներքին քաղաքական պառնդանքներով խանգարում էր Ռուսաստանին այս քսան և մէկ տարում՝ մերձենալ Ֆրանսիին: Եւ պէտք է ասած, Գեր-

մանիան միշտ մեծ յոյսեր էր դնում, որ Ռուսաստանը երբեք հեռու չի տանիլ իւր բարեկամութիւնը հասարակապետական Ֆրանսիայի հետ, որպէս և յոյսեր էր դնում թէ հասարակապետական Ֆրանսիան երբեք հեռուն չի տանիլ իւր բարեկամութիւնը միապետական-աուտօկրատական Ռուսաստանի հետ: Այդ յոյսերը սխալ դուրս եկան, թէև անհիմն չէին: Եւ իրօք, Ֆրանսիայի և Ռուսաստանի ներքին քաղաքական կազմակերպութեան մէջ եղած մեծ տարբերութիւնն էր պատճառը, որ նոցա մէջ ամբողջ քսան ու մէկ տարի չէր կարողացել կայանալ մի ամուր դաշնակցութիւն, չընայած որ աւելի քան մի անգամ նոքա իրար ընկեր են ճանաչել ընդհանուր հակառակորդի՝ Գերմանիայի դէմ: Մենք կը յիշենք մեր ընթերցողներին միայն երկու նշանաւոր դէպքեր անցեալից: 1875 թւականին Գերմանիայի և Ֆրանսիայի յարաբերութիւնները այնպէս լարեցին, որ կարծում էին թէ Գերմանիան նորից պատրաստուում էր պատերազմ յայտնել Ֆրանսիային: Բայց ճիշդ է թէ ոչ՝ թէ իբր Բիսմարկը սպառնացել էր մի նոր պատերազմով (մենք տրամադիր ենք կարծելու որ այդ սպառնալիքը լուրջ չէր), բայց միանգամայն հաստատ է, որ այդ ժամանակ Ռուսաստանը, իշխան Գորչակովի՝ իբր արտաքին գործերի այն ժամանակւայ մինիստրի բերանով հարկ համարեց յայտնել Գերմանիային, որ ինքը, Ռուսաստանը, մի երկրորդ պատերազմ Ֆրանսիայի դէմ թոյլ չի տալ և որ նա ստիպւած կը լինի միջամտել յօգուտ Ֆրանսիայի:

Մի երկրորդ դէպք պատահեց 1879 թւականին, Բերլինի կոնգրէսից մի տարի յետոյ, որից, որպէս ամենքին յայտնի է, Ռուսաստանը վերին աստիճանի տեղոհ դուրս եկաւ այն մեծ փոփոխութիւնների համար, որոնց այդ կոնգրէսում ենթարկեց ռուս-թիւրքական Սան-Ստեֆանօի հաշտութեան դաշնը: Իսկապէս այդ կոնգրէսից յետոյ է սկսուում լարածութիւնը Ռուսաստանի և Գերմանիայի քաղաքական յարաբերութիւնների մէջ, և իշխան Գորչակովը, այժմեայ արտաքին գործերի մինիստր պ. Գիրսի նախորդը, Գերմանիայի Վիսբադէն քաղաքում եղած ժամանակ, Ֆրանսիական Soleil լրագրի խմբագիր պ. Ներէէին ասաց այս խորհրդաւոր խօսքերը՝ Soyez fort, այսինքն դուք Ֆրանսիացիներդ՝ եղէք ուժեղ! Իշխան Գորչակովի այդ խօսքերը, որոնք իւր ժամանակին ամբողջ աշխարհի լրագիր-

ներում պտոյտ արեցին և որոնց չիշատակը տարիներով չը ջնջւեց, առաջին մեծ յայտարարութիւնն էր Ռուսաստանի պատրաստակա-նութեան՝ Ֆրանսիայի հետ միաբանութիւն հաստատելու՝ քաղաքա-կան գալիք փոփոխութիւնների համար:

Զընայելով այդքան բացարձակ յայտարարութիւնների յօգուտ Ֆրանսիայի և ընդդէմ Գերմանիայի, Գերմանիան սակայն, կայսր Վիլ-հելմ I և իշխան Բիսմարկի ժամանակ, հակառակ Գորչակովի տրամա-դրութիւններին, այնքան զրաւեց հանգուցեալ կայսր Ալեքսանդր II-ին, որ նոյն իսկ կարելի եղաւ Ռուսաստանը մոցնել այսպէս կոչւած երեք-կայսերական միաբանութեան մէջ, բաղկացած Գերմանիայից, Աւստրիայից և Ռուսաստանից: Այդ նշանակում էր փորձ փորձել հաշ-տացնել Ռուսաստանը Աւստրիա-Ունգարիայի հետ, որովհետեւ Ռու-սաստանի ձգտումները դարձրած են դէպի Բալկանեան թերակղզին, այսինքն այնտեղ, ուր Աւստրիա-Ունգարիան է ձգտում գերակշիռ նշանակութիւն ունենալ: Բայց անհաշտելին հաշտացնել անհնարին եղաւ, այնպէս որ հանգուցեալ Վիլհելմ I-ի և Ալեքսանդր II, որ-պէս նաև յետոյ ներկայ Ալեքսանդր III կայսրների հետ պայմանա-ւորւած տեսակցութիւնները՝ բարեկամութիւն հաստատելու համար՝ դրական հետևանքներ չունեցան, և Ռուսաստանը դուրս եկաւ երեք-կայսերական միաբանութիւնից, դեռ ևս ութսունական թւական-ների սկզբներում, երբ արդէն յայտնի եղաւ 1879 թւականին Գեր-մանիայի և Աւստրիա-Ունգարիայի մէջ զրաւորապէս կապած դաշ-նակցութեան նախ իմաստը, ապա և բնագիրը, որ յետոյ նաև յայ-տարարւեց ընդհանուր գիտութեան համար: Ռուսաստանի հեռանալը տեղիք ուեց Գերմանիային և Աւստրիա-Ունգարիային իրանց մօտեցնել Իտալիային, որը ընդունեց առաջարկւած պայմանները և որի հետ միասին կազմեց այսպէս կոչւած երեքպետեան դաշնակցութիւնը, որը արդէն եօթներորդ տարին է որ գոյութիւն ունի և ներկայ տարւալ սկզբներում նորոգւեց կրկին վեց տարով:

Ինչ դրութիւն ստեղծեց Ռուսաստանի համար այդ իրողու-թիւններով: Այն, որ Ռուսաստանը շաւանձնացաւ, որովհետեւ, որ-քան էլ նա ցանկանում էր մի դաշնակից գտնել, բաւիս բուն նշա-նակութեամբ՝ նա այդպիսին չէր գտնում մեծ պետութիւնների մէջ: Մի նոյնպիսի առանձնութեան մէջ էր գտնուում նաև Ֆրանսիան

դեռ ևս 1871 թվականից ի վեր, բայց այդ երկու մեծ պետութիւնների իրար ձեռք մեկնելու համար պակաս էին մի քանի կարեւոր պայմաններ: Նախ որ այդ երկիրներից մէկը հասարակապետական է, իսկ միւսը՝ մարմնացումն է զօւտ միապետականութեան: Արդ, միջին Եւրոպայի, գլխաւորապէս Գերմանիայի և Աւստրիա-Ունգարիայի քաղաքական մամուլը, որպէս նաև իշխան Բիսմարկը միշտ կարողացել էին օգուտ քաղել այդ հանգամանքից և ազդել Ռուսաստանի վերայ, ցոյց տալով այն վտանգը որ կարող է սպառնալ միապետական Ռուսաստանին՝ մի հանրապետութեան բարեկամութիւնը: Բայց ապա ինսարիգան յաջողութիւն չէր կարող ունենալ, թէ միայն Ֆրանսիայի ներքին քաղաքական դրութիւնը այնպէս չը լինէր, որ իրօք ամեն մարդու կարող էր մտածել տալ թէ ինչ է լինելու նորա նոյն իսկ ամենամօտ ապագան: Այդ դրութիւնը այնպէս էր, որ չը նայած ակնյայտնի յառաջդիմութիւններին գրեթէ բոլոր ասպարէզներում, այնուամենայնիւ նա, այդ ներքին քաղաքական դրութիւնը, չէր թոյլ տալիս որ մի որ և իցէ մենխտորութիւն մի քանի տարի դիմանար և չէր թոյլ տալիս որ մի որ և իցէ կուսակցութիւն այնքան ոյժ զգար, որ ապագան իրանը համարէր: Թէպէտ և ուշի ուշով Ֆրանսիական վերջին քսանութեկ տարւայ գործերին հետևած մարդիկ չէին կարող չը տեսնել, որ այդ մենխտորական շարունակ փոփոխութիւնների արտաքինի տակ մեծամեծ գործեր են կատարում, բայց և այնպէս այդ չափազանց յաճախ փոփոխութիւնները վատ տպաւորութիւն էին անում և իմացնել էին տալիս այն ներքին քաղաքական—կուսակցական երկպառակութիւնները, որոնք ջլատում էին Ֆրանսիայի հասարակապետութեան ոյժերը և նսեմացնում Ֆրանսիական կառավարութեան պրեստիժը մանաւանդ օտարների և այն էլ՝ միապետական մենխտորութիւնների տեղականութեանը սովոր ազգերի առաջ:

Ահա այն պատճառները, որոնք խանգարում էին Ռուսաստանին քաղաքական մօտ բարեկամութիւն հաստատել Ֆրանսիայի հետ, մանաւանդ որ ինքը Ֆրանսիան էլ ծանրակշիռ պատճառներ ունէր այդքան մօտ բարեկամութիւնը գտնէ առայժմ չուզէնալու: Բայց եռապետութեան ոյժի առաջ միայնակ մնալ անհնարին էր, ոչ ոք էր Ֆրանսիայի և Ռուսաստանի մէջ եղած խորթ յարաբերութիւնները

հարթել և ապագայ դաշնակցութեան համար հող պատրաստել: Այդ գործին ձեռք զարկեցին ոչ միայն երկու երկրի կառավարութիւնները, այլ և երկու ազգերը: Բարեկամութեան ցանկութիւնը իրան զգացնել տւեց երկու ազգերի քաղաքական մամուլի մէջ. միւս կողմից՝ ռուսաց բելետրիստիկան սկսեց մուտք գործել Ֆրանսիա, ուր մինչև անգամ ռուսաց նշանաւոր վիպասանների հետ ծանօթութիւնը ոչ միայն գրական, այլ և քաղաքական մեծ անհրաժեշտութիւն համարեցին: Անցեալ տարիները ինչ ֆուրոր էր անում այդ գրական շարժումը ամբողջ Եւրոպայում՝ այդ յայտնի է ամենքին. և որովհետև այդ շարժումը քաղաքական աստառ ունէր, շորանով բացատրւում է նաև այն չափազանց մեծ ոգևորութիւնը, որին հասան Ֆրանսիացիք այդ առիթով: Այդ ոգևորութիւնը սկսեց տարածել առհասարակ ամեն բանի վերայ, ինչ ռուսական անուն է կրում, և այսպիսով սկսեց Ֆրանսիայում այն ինչ ռուսափրութիւն են անւանում:

Ջուզընթացաբար այդ քաղաքականութեան զարգանալու հետ՝ կատարւում էր Ֆրանսիայում մի ներքին քաղաքական շարժում՝ բուլանժական շարժումը, որը իւր հոսանքի մէջ միացրել էր ամեն կարգի էլեմենտներ՝ միապետականներ, հասարակապետական ծայրահեղներ, սոցիալիստական այլ և այլ խմբեր և այլն՝ ընդգէմ Ֆրանսիական ներկայ կառավարչական սիստեմի: Այդ փոփոխութիւնը և ոչինչ բարին չը խոստացող շարժման դէմ հասարակապետութեան մղած կռիւր վերջացաւ վերջինիս յաղթանակով: Բայց ալի յաղթանակը ունեցաւ մեծ հետևանքներ. այն իրողութիւնը, որ Ֆրանսիական հասարակապետութիւնը կարողացաւ բուլանժական փոթորիկից ողջ դուրս գալ և այն ոյժը, առանց որի անկարելի կը լինէր մի այսպիսի ահեղ դաւադրութիւն գետին տապալել—այդ բոլորը սկսեց ազդել թէ արտասահմանի վերայ և թէ մանաւանդ Ֆրանսիական կուսակցութիւնների վերայ: Համոզելով հասարակապետութեան կայուն բնաւորութեան մէջ՝ բազմաթիւ միապետականներ միացան հասարակապետութեան հետ, հաշուեց կառավարութեան հետ նաև Հռովմի պապը, թելադրելով կարգինալ Լաւիժըրիին այն ճառը, որ մենք իւր ժամանակին չիշատակել ենք այս էջերում: Այսպիսով այս վերջին տարիներում Ֆրանսիական հասարակապետութիւնը, բոլոր

րելով իւր, ինչպէս ասում են՝ չափահասութեան տարեշրջանը, 21 տարեկան հասակը և յաղթանակով դուրս գալով անթիւ փոթորիկներից, ձեռք բերեց նաև մի հաստատուն և անվիճելի կառավարութեան բնաւորութիւն թէ իրանց Ֆրանսիացիների և թէ արտասահմանի աչքում: Այժմեայ պարլամենտի ընտրութիւններին բոլոր կասկածաւոր էլեմենտները ջարդ կրեցին, միջոց տալով ներկայ մինիստրութեան, որի գլուխն է Ֆրէյսինէ և որի միւս մեծ ոյժն է ներքին գործերի մինիստր Կոնստանը, այնքան ապրել, որքան չի ապրել ոչ մի Ֆրանսիական մինիստրութիւն այս վերջին 21 տարում, այն է աւելի քան երկու տարի:

Մինչև որ Ֆրանսիայում կառավարութիւնը ամրանում էր և ռուսական դաշնակցութեան պրոպագանդան էր անոււմ, Ռուսաստանը, այդ միջանցքում արգէն ձեռք էր բերել մի քանի մանր տէրութիւնների բարեկամութիւնը՝ Մոնտէնեգրոի, Սերբիայի և Յունաստանի: Եւ երբ, այս տարի, եռապետեան դաշնակցութիւնը նորոգեց, Անգլիան էլ շատ թէ քիչ մօտիկ դիրք բռնեց Խտայիայի մօտ առանձնապէս և եռապետեան դաշնակցութեան մօտ ընդհանրապէս, — արդէն ժամանակը եկած համարեց որ Ֆրանսիան և Ռուսաստանը ամբողջ աշխարհի համար տեսանելի ձևով իրար բարեկամութիւնը կամ դաշնակցութիւնը յայտարարեն: Եւ այդ կատարեց Կրոնշտատի նաւային ցուցերով, ցուցերով, որոնց կարապետն էր ներկայ թւականի Ֆրանսիական արդիւնահանդէսը Մոսկւայում, որ տեւեց մինչև ներկայ հոկտեմբերի սկիզբները: Եւ չը նայած որ Ֆրանսիական նաւային էսկադրը իւր վերադարձին այցելեց Անգլիայի Պորսմուտ պատերազմական նաւահանգիստը և չը նայած որ անգլիական կառավարութիւնը չը տեսնած չքով և պատուով ընդունեց և ողջունեց Ֆրանսիացիների էսկադրին ու սորա գլուխ վիցէ-ադմիրալ Ժերմէին, — բայց Կրոնշտատում ու Պետերբուրգում կատարած ցուցերից անգլիացիք չը կարողացան խլել նոցա քաղաքական բարձր նշանակութիւնը: Բէ արդեւք Ֆրանսիայի և Ռուսաստանի միջև կայացած է դաշնակցական որ և է գրաւոր պայման, ստորագրած երկու կողմերի ներկայացուցիչներից, — այդ հարցին մենք մեր ընթերցողներին առ այժմ չենք կարող դրական պատասխան տալ. բայց եթէ մեր զգացմունքին ապահովենք՝ մենք հաւանական ենք գտնում, որ դաշնակցութիւնը Ֆրան-

սիայի և Ռուսիայի միջև զրաւոր դոկումենտի ձև ստացած լինի դեռ. և ս փոխ-ծովային փերէի այցելութեան ժամանակ Ռուսաստանի մայրաքաղաքին:

Այսպէս կամ այնպէս, բայց Ֆրանսիական մինիստրների յաճախակի կրկնած ճաւերը մեծ վստահութիւն են ներշնչում և ռաց բարեկամութեան մասին այնպէս են խօսում, որ ենթադրել են սալիս ստորադրւած պայմանաթուղթ:

Ի վերջոյ և մի բնաորոշ իրողութիւն: Ամբողջ քսանումէկ տարի Ֆրանսիան, իւր առեկութիւնը դէպի Գերմանիան տարածում էր նաև այս երկրի նոյն իսկ գեղարւեստի և երաժշտութեան վերայ: Ռիխարդ Վագները, նորագոյն Գերմանիայի այս հսկայ կոմպոզիտորը, ամենից հալածւած անունն էր Ֆրանսիայում: Լիսմարկի անունից յետոյ և գրեթէ սորա համահասար: Նորա օպերաները, որոնք նոր դար բացեցին երաժշտութեան համար, այնպէս հալածւած էին Ֆրանսիայում, որ այդ երկրի մայրաքաղաք Պարիզը դեռ նոցա չէր տեսել. հազիւ հազ Ֆրանսիայի միւս քաղաքներում՝ Լիօն, Բորգո, մի մի անգամ յաջողել էր Վագների օպերաները բեմի վերայ դնել, իսկ Պարիզում մինչ այս վերջին ժամանակներս այդ չէր յաջողում՝ շովինիստ ամբօր անողորմ էր այն աստիճան, որ երբ Պարիզի էդէն թատրոնում դեռ նոր ժամանակներս փորձեցին Լոհենգրին օպերան դնել, կատաղած ամբօր արգելեց իւր ադմոնիստրով, այնպէս որ ներկայացումը չը կայացաւ և թատրոնական վարչութիւնը մեծ կարողութիւն կորցրեց այդ անաջողութեան պատճառով:

Բայց անկարելի համարւածը կարելի դաւաւ, որովհետև նոր առմարով սեպտեմբերի 16-ին Վագների Լոհենգրին հռչակաւոր օպերան տրւեց ոչ միայն Պարիզում առհասարակ, այլ և Պարիզի գլխաւոր օպերային թատրոնում:

Այդ քաջագործութիւնը, որ կարողացաւ գլուխ բերել այդ օպերայի եռանգոտ վագներական կապելմէյստէր Լամուրեօն, հնարաւոր եղաւ միայն այն ժամանակ, երբ Ֆրանսիան բարեկամութիւն հաստատեց Ռուսաստանի հետ և դուրս եկաւ այն առանձնութիւնից, որի մէջ էր նա մինչ այս վերջին տարին: Կարծես Ֆրանսիան դորանով ուղեց ասել Գերմանիային այժմ ես բաւականաչափ հանդիս ում քո մոդիկան լսելու համար...

Իրլանդական ազգային կուսակցութեան պարագլուխ Պարնէլի մահը, որ հաղորդւեց «Մուրճ»-ի անցեալ համարում, տեղիք է տալիս մեզ ներկայացնել հայ հասարակութեան առջև իրաւնական խնդիրը, այնպէս ինչպէս աւանդել են դարերը Պարնէլի անունը կը յիշէի պատմութեան մէջ հաւասար Օ'Կոննէլի հետ. և Պարնէլի կենսագրութիւնը անելով մենք չենք կարծում կատարած լինել այն, ինչ հարկաւոր է իրլանդական խնդիրը պարզելու համար Դորան «Մուրճ»-ը իւր յետագայ համարներում կը նւիրի առանձին յօդւածներ՝ ինչպէս արժանի է որ այդ խնդիրը մեր ընթերցողներին լաւ պարզւած լինի:

Z.